

Volan'ny mpamatsy solika **3**  
Misavovona indray ny trosany tokony ho etain'ny mpitondra

Tsy voafehin'ny fitondrana mihitsy **7**  
**Potika sy mitotongana indray ny vidin'ny lavanila maitso**

# NY VALOSOA

Gazety misheo intelo isan-kerinandro  
(Talata - Alakamisy - Sabotsy)

## VAO VAO

Alakamisy 14 jolay 2022

Laharana 1319

Vidiny : **500 Ar**

Nodimandry i Ony Rambelo **6**  
Efa tonian-dahatsoratry  
ny gazety Valosoa koa izy

[www.gvalosoa.com](http://www.gvalosoa.com)

[gvalosoa@yahoo.com](mailto:gvalosoa@yahoo.com)

facebook : gazety valosoa rakoto

**Mpanakanto Rah-Ckiky** **2**

**Miala Rajoelina sy Ntsay  
fa tsy mahay mitantana**




**Artista ao amin'ny OMDA** **6**

**Tsy mila ny ministra Lalatiana  
mpampisara-bazana intsony**



**Raharaha-pirenena tsy mandeha** **2**

**Tsy afaka ny hangina intsony  
ny Hetsiky ny Mpitondra Fivavahana**



**HETSIKY NY MPITONDRA FIVAVAHANA**

**Mila ny firaisankinan'ny artista koa** **3**

**Avotsory tsy misy  
fepetra Ninie Donia**

**Fiara maty no misakana ny varavarana** **3**

**Misy fitsipahana ny fanalana  
ny lehiben'ny CISCO any Manandriana**



**Distrikan'Antalaha** **2**

**Tafajoro ny biraon'ny COMTIM  
Ambinanifaho- Lanjarivo- Ampohibe**

**Daka kely**

Resaka frais : tsy mampifendro  
anareo zany ny any amin'ny  
faritra ry Boaikely a !

MPANAKANTO RAH-CIKY

## Miala Rajoelina sy Ntsay fa tsy mahay mitantana

**N**anao fanambarana tamin'ny facebook ny mpakananto Rah-Ciky, na Christian Zafimamy no tena anarany, nilaza fa tsy mahay mitantana ny fitondrana Andry Rajoelina sy Ntsay Christian, manoloana ny zava-misy amin'izao fotoana sy ny fahasahiranam-bahoaka, noho izany dia tokony hiala izy ireo hoy izy:

Araka ny fanambarany: "mangataka izahay ny hanajonanana ny vidin'ny "carburant" amin'io vidiny teo aloha io ,ihany. N'inon'inona favoriana nataonareo, n'inon'inona negociation na fifampiraharahana nataonareo dia tsy zakany malagasy io zavatra io, ary izahay dia hitroatra ka tsy hanaiky intsony manomboka eto. Aza mieritreritra hoe izahay no vitsy kely, ianareo "orange" ireo no vitsy ary aza miseho mizesta any anaty Media hoe rehefa misy ny fotoanan'ny fididianana ka tsy maintsy i Andry Rajoelina no ho tonga eo, dia fantaro fa ianao no nampahantra anay, satria rehefa nampidina ny vidin-tsoliha eran'izao tontolo izao, ianao tsy nampidina, inona no antony? Izao izy miakatra, manaiky ny fiakarany ianao, ka izahay dia miala tsiny fa izahay dia vonona amin'ny zava-

drehetra.

Hamory ireo namayan ao amin'ny GMA-FI na Gasy Mahitsy Fijery izahay, hanantanterahana hetsika goavana amin'ny fotoana maha mety azy.

Tiako ny Tanindrazako, tsy an'ny orange fa an'ny Malagasy rehetra, raha marary ny malagasy dia izaho koa marary. Izahay handray fapanhan-kevitra faran'izay haingana hamory ireo namanan.

Izay tsy manaiky izao zavatra izao dia miavaha fa tsy asianay olana, izahay tsy manaiky tsy hangataka fotoana ela intsony."



Christian Zafimamy, na Rah-Ciky.

**Ny Valosoa**

Distrik'an'Talaha

## Tafajoro ny biraon'ny COMTIM Ambinanifaho- Lanjarivo- Ampohibe

Manetsika ny fototra ihany koa amin'izao fotoana ny mpitantana ny antoko Tiako i Madagasikara (TIM) any amin'ny distrik'an'Talaha, faritra Sava, mitarika izany any an-toerana ny filohan'ny Dis-TIM Zaravelo Joel sy ny ekipany. Tafapetraka ankehitriny ny biraon'ny Comtim any amin'ny Kao-minina Ambinanifaho, Lanjarivo ary Ampohibe, tany amin'ireo toerana ireo nametraka izany ny Dis-TIM Antalaha. Fotoana ihany koa izany, nanaovan'izy ireo fameloma-maso in-



Fananganana biraon'ny COMTIM tany amina kaominina, any amin'ny distrik'an'Talaha.

dray ity antoko najorony ny filoha Marc Ravalomanana ity. Nisongadina nandritra izany, fa vonona

ireo Com-TIM vao najoro sy ny ekipany, sy ny Dis-TIM Antalaha, amin'ny fiafrehana ireo fididianana ho

avy, indrindra ny amin'ny hametrahana ny filoha Marc Ravalomanana hitantana indray ny firenena. Toerana saro-dala na no nametrahana ireo Com-TIM ireo, misy ny fandehanana dia an-tongotra hatramin'ny ora 6 tany amin'ny toerana sasany, mampifandray azy amin'ny lalampirenena: RN 5A. Tany Lanjarivo dia nisy ny fizarana ny nofonkena mitam-pihavanana teo amin'ny birao sy ny mpikatoka TIM tany antoerana.

**Isambilo**

Raharaha-pirenena tsy mandeha

## Tsy afaka ny hangina intsony ny Hetsiky ny Mpitontra Fivavahana

Manoloana ny raharaha-pirenena amin'izao fotoana, misy ny fanambarana avy amin'ny HMF: Hetsiky ny Mpitontra Fivavahana, milaza fa tsy afaka ny hangina intsony izy ireo:

"Sambatra kosa ianao, ry tany, raha tena karazan'andriana no mpanjakanao, ary ny lehibenao homana amin'izay fotoana mety, mba hampahantanaka ny tenany, fa tsy ny hampahamamo azy!" (Mpitoriteny 10,17).

"Natao ihany ny hangina fa tsy afaka mangina, manoloana izato fahashiranana mpiray tanindrazana amin'ny tena . Ny tena fitiavan-tanindrazana tokoa manko dia tsy fitiavan ny vovo-tanin'i Madagasikara akory, fa fitiavan ny mponina ao aminy, amin'ny fitiavana marina ; tsy arahim-piarovantseza na tombontsoa manokana . Tonga amin'ny kihon-dalana azo nihodivirana tsara ny firenena ankehitriny ary tsy mety ny mangina, ka hiray volo amin'izany tsy fahombiazana na tsy niniana natao dia mariky ny tsy fahatsinjovan-davitra eo

amin'ny fitantanana ny fainam-bahoaka. Raha nidina hatrany ambanin'ny 10 dolara aza ny barila ny solika dia tsy nojerena izany, fa navela haka ny tombony rehetra ireo mpandrahara momba izany, sy izay mahazo tombony avy amin'izany . Tsy vao izao no nisy ny "fiakarana mihoa-pampana teo amin'ny vidiny iraisam-pirenena, fa efa nisy foana izany , raha tsy hilaza afa-tsy ny taona 2006 isika, ka nahatafakatra azy efa ho 146 dolara, fa izay mitranga ankehitriny dia manodidina ny 100 dolara. Manampy trotraka ny eto amintsika ny faharatsian'ny lalana nefy ny taxe momba ny solika nalaina tamin'ny mpanjifa hatrany hoe : hanamboarana na hikojana ny lalana. Nan-kaiza izany ankehitriny ? Raha notakiana ny fidinan'ny vidin'ny solika tamizany dia nilaza ny fanjakana, fa mbola anan'ny mpandrahara trova ny fanjakana ka ho fifanalana amin'izany, no tsy nampidinana azy , moa ny sandam-bolantsika tsy ahafahana ma-

nao izany rahateo , hoy izy ireo. Nandritry ny fotoana lava ihany anefy no nisian'izany fidinana farany ambandy izany, fa tsy afaka nisitraka izany ny vahoaka Malagasy . Ankehitriny , tafakatra eo ambony kelin'ny 100 dolara ny vidiny ary dia milaza indray isika, fa tsy azo ihodivirana ny fiafrehana . Rehefa midina izy izany dia tsy azo ampiharina, fa rehefa miakatra izy dia tsy azo ihodivirana . Tsy vao izao ny fihevarena ny vahoaka ho bado ny fampitahana ny vidiny any ivelany sy eto amintsika ; ny antony dia efa nisitraka soamantsara ny fidinan'ny vidin-tsoliha ny ankamaroan'ireny firene ireny sady ambony ny PIB any amin'izy ireo, ka mifandanja tsara amin'ny vidin'ny solika ny karama farany ambandy. Tsy maintsy nolazaina izany, saingy tsy fotoanan'ny ifamezan-tsiny izao, fa fotoanan'ny fahatsiarovanta :

Ho an'ny Mpitontra :

hi-fampidinika amin'ny rehetra rehefa hita fa tsy tafavoaka ny tena, na hanmetra-pialana am-piton-

ana rehefa mahatsapa fa efa mihoatra ny lohan'ny tena ny olana samihafa ; ny mampiavaka ny mpitontra amin'ny vahoaka manko dia olona natao hamaha-olana izy, fa tsy mpilaza na mpitaraina olana . Ho an'ny vahoaka :

fotoana fandinahan-tena izao fa tena mila mandinika lalina rehefa taom-pidifidianana fa tsy matin-kanin-kely, ka natakalo fanoomezana tsy nahavita taona ny safidin'ny tena , fotoana fandinahan-tena koa izao ary hieritreretana ny ho avy tsy ho ela , fotoana hanenenana noho ny tsy nanaovana ny adidy tamin'ny fididianana, ka ny hafa no nanao izany ho anao ; fotoana izao hiovan'ny toe-tsaina hoe "leo politika "izahay , izany angaha hihinanankanina . Ny politika tom-poko dia mety hameno ny vilaninao ary mety hi-kaoka hatramin'ny fara vodi-vilany aza . Samia mandinika fa nomen'Andriamanitra saina handinika isika rehetra," hoy ny fanambarana.

**Nangonin'Isambilo**

**Ny Valosoa sy fakafaka**

## Mikorontana etsy sy eroa vokatry ny tsy fahaiza-mitantan'ny mpitontra

Miha-mafana ny toe-draharaha eto amin'ny firenena ankehitriny . Mikorontana etsy sy eroa vokatry ny tsy fahaiza-mitantana ataon'ity fitondrana Andry Rajoelina ity . Betsaka loatra ny lainga afafy tamin'ny vahoaka Malagasy, na tamin'ny propagandy, na izao efa mitondra izao, ka tsy zakan'ny olona intsony . Mihevitra angamba ny filoha Andry Rajoelina fa dondrona sy donto ny Malagasy, ka manaiky izay teneniny fa tsy hitroatra . Migrevy ny fiara fitaterana vokatry ny fiakaran'ny vidin'ny solika efa ho 44%, satria tsy araka ny tokony izy araka ny nambaran'ny mpitatitra sasany ny 100 ariary nampiakarana ny saran-dalana . Ny kojakoja ankoatry ny gasoil miakatra hatrany ary ireo hetra alaina amin'ny fiara . Ny resaka lavanila indray dia mitroatra ny mpamboly lavanila satria tsy misy mpaka ny entana na varoboba aza . Miakatra ny saran-dalana amin'ireo zotra nasiōnaly sy rejiōnaly, izay tsy takatry ny fahefa-mividy intsony , hany ka lasa ny vahoaka samy vahoaka no miady vokatr'izany . Ny PPN miakatra andro aman'alina , fampantanana poak'aty foana no iainan'ny vahoaka hoe hatreto ny farany amin'ny vidin'entana ; nefy tsy arak'izay akory . Mikorontana ny andavanandon'ny mpoinina ankehitriny , ny karama nampanantenaina fa hiakatra tsy mahavita inona akory . Re aza fa mbola tsy nisy ny didy fampiharana ho an'ny mpiasa tsy miankina, mbola tsy hita hatramin'izao, roa volana taorian'ny fanambarana nataon'ny filoha Rajoelina . Izay ilay mpitontra tsy mitsinjo ny ho avy, tsy mitsinjo vahoaka, fa ny rendrarendra sy loko miradraraka no mamenno ny Tanana.

**Helisoa**

## PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Remerciements au Sacré Cœur pour faveurs obtenues.

**Domoina R.**

**NY VALOSOA**

Gazety misého intelo isan-kérinandro VAOVAO

**Dokam-baratra**

**Tel. 034 79 076 00**

## Ny Valosoa sy hadihady

Volan'ny mpamatsy solika


**Misavovona indray ny trosany tokony ho efain'ny mpitondra**

**N**iandry aty aorian'ny Fetim-pirenena, vao sahy nampiakatra ny vidin'ny lasantsy ny fitondrana Rajoelina Andry ary dia nihambo indray fa mit-sinjo ny vahoaka madinika hono. Ny marina izay tsy fantatry ny vahoaka tsy mandady harona anefa dia izy ihany no mameo ny elanelam-bidy eo amin'ny vindiny tena izy raha ny vidin'ny barila iray eo amin'ny sehatra iraisam-pirenena dia ny vahoaka mandoa hetra ihany no mameo ny banga amin'ny alàlan'ny hetra aloany. Raha ny marina mantsy dia tsy latsaky ny valo arivo ariary no tokony ho vidin'ny iray litatratr amin'ny lasantsy kanefa dia latsaka ariary zato ny enina arivo eny amin'ny toby famatsiana. Araka izany dia misavovona indray ny trosan'ny mpamatsy solika tsy maintsy ho efain'ny mpitondra. Ny loza anefa dia ny eo tsy voahilika, ny eo mitombo ihany. Nitsinjo ny vahoaka ihany koa, hono, ny mpitondra ka izy no nametra ny saran-dàlan'ny fitateram-bahoaka ho enin-jato ariary. Ny zav-doza ihany koa dia ireo mpitantana kôperativam-pitaterana, izay nilaza tamin'izany fotoana izany, fa manohana izao fitondrana izao ihany no nifampiraharaha momba io fisondrotan'ny sarandàlana voalaza etsy ambony io. Araka nyfantatra anefa dia ny any amin'ny Faritra dia nampiakatra ny saran-dàlana dimampolo isanjato raha oharina amin'ny teo aloha. Raha ny marina ihany koa dia tsy anjaran'ny fitondrana sy olona vitsivitsy no mametra izany fa fanapahan-kevitra miaraky ny koperativa rehetra mijoro sy miasa eo amin'ity sehatra ity. Na tiana anefa na tsy tiana dia roa andro taorian'ny fiakaran'ny vidin-tsoliaka dia efa hita eny an-tsena rehetra eny fa mia-katrasahady ny vidin'ny zavatra ilain'ny mponina andavanandro. Ny mahagaga dia tsy sahy milaza ny tena marina toy ny nataon'ny tale jeneralin'ny OMH ny filohan'ny Repoblika. Ampahatsiahivina fa zato sy efatra arivo no ividianana ny iray litatratr amin'ny ga-zoala any ampotony kanefa efajato sy telo arivo no namarotan'ny tobim-pamatsiana izany talohan'ny nia-karany. Araka izany dia nisy fitonjato isaky ny litatratr izany no nefenoina izay misiteri aloha hatreto hoe

avy aiza izany. Azo inoana fa afaka fotoana fohy dia hahatsapa ny mpiasa rehetra fa tsy misy varany ny fanondrotana karama, dimy, teloambinifolo, dimy am-biroapo isan-jato nomen'ny fitondrana. Etsy anki-lany dia hisy fiantraikany amin'ny orinasa tsy mian-kina ihany koa ny fisondrotry ny solika izay hanery ny tompon'ny orinasa hampihena ny mpiasa ao aminy ary dia hitombo indray koa ny tsy an'assa izay hampi-rongratra ny tsy fandriampahalemana indray. Mitatao eo an-dohan'ny Malagasy indray ny loza manaraka haterak'ity fisondrotry ny vidin'ny solika ity. Mahapery tokoa ve ny Malagasy sa matahotra ny famore-tana ka tsy sahy mitraotra? Mbola ao an-tsain'ny maro ny fisainana hoe "aleo maty rahampitso, toy izay maty anio" sy ny hoe "aleo mihinan-kely, toy izay mandry fotsy". Raha ireo hetsi-bahoaka ny tetra amin'ny Firenena anefa dia tsy nampoizina avokoa ny fanoherana nataon'ny Malagasy ireo tsy rariny sy tsindry natao taminy. Niaina, tsy nanana olana teo amin'ny ara-tsakafo ny vahoaka nandritra ny Republika I, ary ambony dia ambony ny fahefa-mividy. Singam-bolo handavo ny vositra anefa ny tsy namahana ny olan'ny mpianatra. Tsy nitsaha-nitotongana ny fari-painan'ny Malagasy tamin'ny Repoblika II ary tsy nampoizin'ny fitondrana ny fionganany. Efa nisy ma-soandro nihiratra ho an'ny Malagasy ny fitondrana Ravalomanana Marc kanefa tsy fitiavan-tanindrazana loatra no nanentana ny mponina sasany teto an-drenivohitra indrindra, fa ny fahaizan'ny mpitariaka ny hetsika nampilendalenda azy ireo fainana tsaratsara kokoa. Amin'izao fotoana izao dia mbola mampanantena volana ny Malagasy ny filohan'ny Republika Rajoelina, tsy nisy tanteraka ireny na dia misy milaza aza fa maro no efa vita, satria herintaona mabery kely sisa dia ho tapitra ny fepotona hiasany vao hifototra amin'ny fambolena indray ny fampandrosoana. Toy ny ganagana tsy hary nify ihany izao fitondrana izao kanefa nanakora saka banga.

Andry Tsiavalona

FIARA MATY NO MISAKANA NY VARAVARANA

**Misy fitsipahana ny fanalana ny lehiben'ny CISCO any Manandriana**

Ny zava-misy any amin'ny Ciscon'i Manandriana, any Ambovombe Centre.

Mafampana amin'izao fotoana ny eo amin'ny ton-tonlon'ny fampianarana any amin'ny distrik'i Manandriana faritra Amoron'i Mania, misy ny fitsipahana ny fanalana ny lehiben'ny Cisco any antoerana. Heverin'ireo manohana ity lehiben'ny fari-piadian'ny fampianarana ity fa nahavita be teo amin'ny sehatry ny fampianarana any an-toerana izy, ka tsy tsapahan'ny any an-toerana ny fanalana azy noho ny resaka politika. Araka ny vaovao voaray, olona mbola tsy tena mpiasam-panjakana raikitra, tsy manana traikera loatra amin'izany sehatry ny fahabeazana izany ary voalaza fa efa ratsy fitantana-na tamin'ny asany teo aloha, no hasolo ny lehiben'ny fari-piadian'ny fampianarana miasa ao Ambovombe Centre. Ny ho lehiben'ny CISCO vao-vao dia voalaza fa avy amin'ny TMH, miara-dia amin'ny antokon'ny fitondrana: TGV. Ny mahavariana sy mahatsikaiky

amin'ity hetsika any Ma-nandriana ity, tsy misy doro "pneu", tsy misy sa-

kan-dàlana, fa fiara maty no misakana ny varavar-an'ny biraon'ny CISCO, tsy hidiran'izay ho sefo CISCO vaovao.

Stefy

facebook

NY VALOSOA  
Gazety misoko intelo isan-kerinandro (Fatafat - Alakamisy - Iaroby) VAOVAO

**Mila ny firaikaninan'ny artiste koa Avotsory tsy misy fepetra Ninie Donia**

**Gabriel Fitahiana:** avotsoro tsy misy fepetra Ninie Donia, artiste niaro ny vahoaka madiniky tsy ho la-san'ny mpanam-bola ny taniny.

**Mpanarivo Rakoto:** fanontaniana : rehefa haninona kay i Ninie Donia vao ho tsaroan'ny Artistes gasy hoe namany sy hataony hoe Ramalala? Misy artistes ve ao Madagasikara mba hitaky ny famoahana azy azafady? Aiza i Firaisan-kina? Sa natokana ho an'i Wendy Cathalina ihany. Pfff. Misaotra mamaly.

**Kelly Rja:** ny pepeta no mbola mafana sy tsara aro-vana hozy aloha e, refa haka visa an-tanindrazana indray any aoriana any ndray mifampi-snob e!

**René Kante:** artistes zany moa ny anarany KO co-médie no betsaka dia io hita io e.

**Marco Randrianisa:** tsy mahazo visa hanao Ré-veillon eo a!

**Lou-loulah Andrianavalonjafy :** mbola variana amin'ny resa-etaveta angamba ny artiste sasany.

**Alison Raza:** tsy namany aho hoy i Petera.

**Josélito Lemirova :** de gaga enao...

**Andry Manantena Raf :** ka misy idiran resaka politique ony le raha nefy ny mpanankato ao ny IRD, nef izy TIM ngamba ko !

**Martial Tovonirina :** mpanohana fitondrana ny artiste Gasy dia tsy mahazo manohana Mpanohitra. Papan'i Chris : resaka vetaveta no lehibe indrindra @ firaian-kinan'ny artistes.

**Bozy Ranaivo Rakotoarisaina :** fantatrao ve fa Pénal ny helok'i Ninie ?

**Fabienne Fafah Demette:** tsy mahagaga raha tsy taitra ny artistes any dago letsy à, efa lasa mpanao politique daholo anie ny ankamaroan'izy ireo ary dia mamadika palitao rehefa misy prezidà vaovao ... ! Tsy hisy ho sahy hiteny ireo satria efa akaiky koa ny propagande letsy baina a...

**Seheno Lalaina:** efa mpanao politika daholo ny artistes eto Dago, sady amin'izay mpisolelaka an'... i Andry Rajoelina, ka aza manantena firaikaninan'ny artiste izany.

**Lahatra Andriamahatsangy:** ka mpanakanto TIM ka tsss mbola hitady TIM reo fa aleo hanao ihany.

**Niaina Niaina :** fa aiza i Rossi sy Tsiliva ary Aniah? Clémence Rabemananjara : mampalahelo loatra ny zava-misy.

**Chan Ria :** mpaka rondroniny daholo ny artiste eto tsy mahagaga.

TONONKALO

**IZA IZAO NO TENA V ?**

Iza izao no tena V fa loharanon'ny korontana ?

Ry Ingahy Mera tsy misaina fa dia tia mamaly bontana,

Sa ireo olona mivelona amin'ny asa fitaterana,

Nefy dia ailikilika sady tsy omena toerana ?

Iza izao no tena V : ireo tia mampanantena volana,

Nefy hatreto tsy mahomby , tsy mahita vahaolana,

Sa ireo olona mpivaratra efa tena miampanampana,

Nefy indreto mbola takiana volabe mihapampampa ?

Iza izao no tena V: ireo tsisy hatao fa mihalangalana

Manoloana ny fitohanana sy ny faharatsian'ny lalana,

Sa ireo vahoaka tsotra tena tsy mahita tsirony,

Sady mbola tapatapaka na ny rano na ny jirony ?

Iza izao no tena V ? mba mila valiny aza fady:

Ireto akama tsy mahomby nefy akarina girady,


Sa ireo olona mitokona fa mitaky izay mba zony,

Nefy toa arirariranao mpitondra ery ambony ?

# An-tsary misongadina Ny Valosoa Vaovao

N Joel

Fametrahana mpitantana COMTIM, tany amin'ny kaominina Ambinanifaho, Lanjarivo ary Ampohibe, any amin'ny distrikan'Antalaha, faritra Sava.



Faharatsian'ny lalana any Ambinanifaho, Lanjarivo, Ampohibe, any amin'ny distrikan'Antalaha, faritra Sava.



# An-tsary misongadina Ny Valosoa Vaovao

N Joel, L William

Ny fanakanana ny lalampirenena RN5 A, mampitohy an'i Sambava sy Andapa, nataon'ny tantsaha mpamboly lavanila any amin'ny faritra iny, amin'ny fidinan'ny vidin'ny lavanila maitso any an-toerana, noho ny tsy fahaizan'ny fitondrana Rajoelina.



## ARTISTA AO AMIN'NY OMDA

## Tsy mila ny ministra Lalatiana, mpampisara-bazana intsony

Tsy mila an' Andriatongarivo Rakoton-drazafy Lalatiana, minisitra ny kolontsaina sy ny serasera mpanao didy jadona hitsabatsabaka amin'ny raharahan'ny OMDA intsony, ireo artista mpikambana ao aminy araka ny fanambarana nataon'izy ireo, tetsy amin'ny "Salle d'Oeuvre Ekar Faravohitra" omaly alarobia 13 jolay 2022. Nambaran'izy ireo tao anatin'ny fanambarana nataony koa fa : " manitsakitsaka ny lohan'izy ireo ary tsy manisy hasiny azy ireo mihitsy ny ministeran'ny kolontsaina taruhan'ity minisitra ity. Nalain'ny minisiteran'ny kolontsaina koa, hoy ny fanambarana nataon'ireo artista ny « base de données » misy ny mombamomban'ny mpamorona sy ny sanganasanasy « données personnelles » nandritra ny 38 taona, izay tsy azo avoaka ao amin'ny OMDA ». "Tena



Ny solontenan'ireo artista mpikambana ao amin'ny OMDA tetsy Faravohitra omaly.

manao fihetsika mampazarazara ny artista ity minisitry ny kolontsaina Malagasy ity, ka tsy mankasitraka sy tsy maniry ny ho eo ambany fiahiany intsony ny artista Malagasy mpikambana ao amin'ny OMDA. Mitaky ihany koa ny hanajano-nana ny fifanarahana izay nosiniaviny niaraka tamin'

ny Manoova izy ireo ary aoka tsy hikitika sy hamatra ny OMDA intsony aloha ny minisiteran'ny kolontsaina". Ny filohan'ny filankevi-pitantanana nofidian'izy ireo koa, Razafiarison Francis Turbo araka ny fanambarana dia lasa mpanara-drenirano fotsiny ao anatin'izany resaka izany, amin'

ny maha-tale jeneraly ao amin'ity minisitera ity azy. Mangataka ny filoham-pirenena araka izany ny filankevi-pitantanana'ny OMDA, mba hiteny sy hananatra ny minisitra Andriatongarivo Rakoton-drazafy Lalatiana mikasi-ka an'io raharaha OMDA io.

Rainilita

Tsy fandriampahalemana

## Nisy dahalo raindahiny tratra indray tany Mahabo Menabe



Dahalo tratra tany Mahabo.

ambiny. Tsara ho marihina fa saika tao amin'ny kaominina Ampanihy no anka-betsahan'ireo namany ary ity tratra ity no fanaterana ny vola takalon'ireo olona atao kidnapping. Nitsoaka tany Toliara moa izy rehefa nokarohina nandritra ny faramparan'ny taona 2019

ary vao avy iray volana teo tao amin'ny kaominina Manamby distrikan'i Mahabo izy izao tratra izao. Ny basiny dia nolazainy fa efa namidiny tany amin'ny faritra atsimo iny fa ody gasy maro be sy fitaovana vitsivitsy no tratra tao an-tranony rehefa nisy ny fisava-

na izay natao. Izao vokatra izao dia nohon'ny loharanom-baovao azo avy amin'ny olona tsara sitra-po ary ny fiaraha-miasan'ny polism-pirenena sy ny FIP. Nanambara ny talem-partry ny polism-pirenena, fa efa misy ny fiaraha-miasa eo amin'ny OMC, mba hisambarana ireo namany ary natolotra ny fampanoavana izy roalahy. Mitohy ny fikarohana ireo namany. Tato ho ato moa dia nihanahazo vahana indray ny tsy fandriampahalemana ary namoizana ain'olona hatrany izany vokatry ny fidangan'ny vidimpianana, sy eo koa ny tsy fandehanan'ny jiro amin'ny alina.

Rajepa

Fitaterana

## Nampiakatra ny saran-dalana koa ny Bajaj any Morondava



Bajaj any Morondava.

Manoloana ny fiakaran'ny vidin-tsolika dia nananataraka fitokonana ireo mpintondra Bajaj eto amin'ny renivohitry ny faritra Menabe, ka nivory fa tsy nisy niasa ny alarobia faha 13 jolay nanomboka tamin'ny telo ora folakandro, nandinika ny saran-dalana, ka tapaka tamin'izany fa miova toy izao ny saran-dalana ho an'ny Bajaj eto Morondava: ny manaraka ny route principale dia 1000 ariary isan'olona ary ny mitsofoka any anaty Tanana dia 2000 ariary isan'olona, raha 1000 Ar isaky ny

nomboka ny alakamisy 14 jolay izao saran-dalana izao ary nambaran'ny filohan'ny fikambanana mpitondra Bajaj ihany koa, fa efa afaka miasa ao amin'ny kaominin'i Bemanonga izy ireo ary ezahina hasiana badge ireo mpamaly Bajaj, mba hisian'ny fanatsarana. Notsindrian'Andriamatoa ANDRIANDRAINA Eugène Leon, izay filohan'ny fikambanan'ny mpitondra Bajaj, fa tsy fampiakarana frais no nataon'izy ireo, fa fametrahana ny frais unique.

Rajepa

deha, satria hafa ny saran-dalana rehefa alina, nohon'ny tsy fandriampahalemana dia tsy maintsy olona roa no mitondra Bajaj iray. Mihàtra ma-

Nodimandry i Ony Rambelo

## Efa tonian-dahatsoratry ny gazety Valosoa koa izy

Nodimandry ny talata hariva teo ny namana mpanao gazety Ony Rambelo, fantatry ny maro teo amin'ny sehatry ny serasera sy fampahalam-baovao. Nisy fo-toana efa tonian-dahatsoratry ny gazety Valosoa izy. Maromaro ireo orinasan-tserasera sy fanaovan-gazety efa niasany: tao amin'ny gazety Madagascar TRIBUNE, gazety BASY VAVA, gazety Valosoa, gazety TAKORITSIKA, ny gazety MARIKODITRA. Efa mpianan'ny radio RDJ koa izy, nisahaha ny fampahalam-baovao sy handray anjara tamin'ny fandaharana « RIVOTRA ». Efa niasa tamina fahitalavitra tsy miankina koa i Ony Rambelo. Anisan'ny lahatsoratra nosoratany ny matoan-dahatsoratra amina gazety, toy izany ny tamin'ny gazety Valosoa tamin'izany fotoana, ny matoandahatsoratry ny gazety Basy Vava: « BASY TSY MIPOAKA » sy « INY OLONA INY ». Ankoatra izany mpanoratra, lafiny sosialy sy politika ary kolontsaina izy. « Dadan'i Ranto » sy « Ony RAMBELO » nosonia nentiny tamin'ireo lahatsoratra maro nosoratany an-gazety. Tao amin'ny IARIVO RADIO no niasany farany, ary mbola nanoratra tao amin'ny gazety Basy Vava hatrany izy tamin'izany. Efa narary nandritra ny fotoana elaela izy ary niafaratamin'izao fahalasanany izao. Ny gazety Ny Valosoa Vaovao dia mirary fiononana feno ho an'ny fianakaviany. Mandria am-piadanana RAMBELO.

Ny Valosoa




Ny mpanao gazety Ony Rambelo fahavelony.

Ankilizato faritra Menabe

## Ahiana ny fahatapahan'ny tetezan'i Mavogisa

Nohon'ny fot-draftrasa izay efa antitra, sy tsy misy fikojakojana dia mihintsana tsikelikely ireo vy eo amin'ny tetezan'a Mavogisa, izay vao mivoaka ny tananànan'i Ankilzato distrikan'i Mahabo faritra Menabe, ho any Morondava, mihintsana ao ambany tetezana ihany ireo vy ary eo koa ny fangalarana ireo vy izay ataon'ireo mpanararaotra, hany ka ahiana ny hisian'ny fahatapahan eo amin'ity tetezana ity, satria dia ny talata alina teo izao dia taxi-brousse iray no nihitsoka teo satria dia latsaka tao amin'ny lavaka ny kodiarana iray. Efananao antso tamin'ny minisitry ny asa waventy ihany ny solombavambahoaka izay voafidy tao amin'ny distrikan'i Mahabo, saingy mbola tsy nisy valiny ary eo koa ny antso avo izay ataon'ny vahoakan'i Menabe ao amin'ny tambazotran-tserasera, saingy hoy ny tanora izay hoe misy mihaino?

Rajepa



# Mpiandry raharaha

PHARMACIES DE GARDE  
09/07/2022 hatramin'ny  
16/07/2022

- MAEVASOA (Enceinte immeuble Castello Anosizato) 034 39 186 69
- ANKAZOTOKANA (à 600m Jumbo score vers Ambanidja) 020 22 354 42
- RAZAFIMANDRANTO (Analakely en face esplanade pavillons) 020 22 234 04
- FANOMEZANTSOA (Ambondrona) 020 22 286 85
- ANKAZOMANGA (Ankazomanga) 020 23 302 68/032 12 714 17/034 12 714 17

HJRA (urgences) :  
033 11 890 58 /  
22 279 79

HOMI Soavinandriana :  
22 397 51

Hopitaly Befelatanana :  
22 223 84 / 22 6 N72 21

Hopitaly  
Lotera Ambobihao :  
22 441 88 / 22 485 17

Clinique des Soeurs  
Ankadifotsy : 22 235 54

Ambulances municipales :  
22 200 40  
Jirama:  
Telma : (22)3547 (n° vert) /  
Airtel : 03 35 47 /  
Orange : 032 32 3547

Pompiers :  
Tél : 118 / 22 250 18/  
22 225 66

Police :  
Hôtel Central de Police :  
17 / 22 227 35 / 22 357 09

1° Arrondissement  
Tsaralalana : 22 280 54  
2° Ambanidja : 22 309 46  
3° Antaninandro : 22 291 30  
4° Isotry : 22 280 51  
5° Mahamasina : 22 280 48  
6° Ambohimanarina :  
22 225 52  
7° 67 Ha : 22 291 29  
8° Analamahitsy : 22 493 25  
Brigade criminelle :  
22 216 78 / 22 210 29 /  
22 674 83 na 84

GIR : 22 227 35

Gazetim-baovao mifeno  
intelo  
isan-kerinandro  
Vidiny: 300 Ar  
Adiresy: lot T 70 Ankadindratombo

TALEN'NY FAMOAHANA :  
Rahelisoa A.  
034 79 07600

## MPANAO GAZETY

**Politika:**  
Isambilo: 033 24 783 65  
Rajo: 033 80 022 53  
Andry Tsivalona 032 07 744 55

**Toe-karena :**  
Aly : 033 18 382 88

**Kolontsaina:**  
Aris: 034 17 460 53  
Beharo : 032 02 557 89

**Fanatanjahantena:**  
Lita: 033 41 557 69

**Mailaka:**  
gvalosoa@yahoo.com  
**NATONTAN'NY**  
Imprimerie de la RN7

Fametra 1319-07-2022  
Isan'ny natonta: 10 000

Tsy azo adika, na alain-tahaka,  
na antsaina ampahibemaso  
raha tsy ahamoana alalana vita  
soratanana avy amin'ny  
tompony

## MPIARO NY TONTOLO IAINANA

# Mitondra faisana noho ny ataon'ny mpanam-bola hoy ny Tafo Mihaavo




Ny fivoriamben'ny fikambanana Tafo Mihaavo.

Malagasy, manoloana ny fivozana ny serasera, mba hisorohana ny trangana tsy fandriampahalemana manerana ny nosy. Tsiahivina fa nanavao ny birao nasioly ny Tafo Mihaavo nandritra an'ity fivoriambe nasioly izay notanterahina tetsy amin'ny Hotel Le Pavé Antaninarenina ity ny faran'ny herinandro teo. Fivoriambe, izay nanaovana tombana ny asa vita sy ny nijerena ireo olana isam-paritra manjo ny firenena eo amin'ny lafany fitrandrahana ny harena an-kibon'ny tany. Marihina fa hatolotra an'ireo mpiaramiombon'antoka ny paik'ady vaovao entina hanatsarana ny fitantanana ny tontolo iainana, izay novolavolain'ny mpikambana ary hiroso amin'ny fankalazana isam-paritra ny Tafo Mihaavo aorian'izao hetsika izao.

Franck Razakambelo

## BEHARO

# Teny tondro (Ny Valosoa Vaovao) N° 399



Misy ny teny Malagasy ofisialy sy ny tenim-paritra

Ohatra : Valy = Vady

## Valliny Teny Tondro (0398)

### Mitsivalana

- Ny – Nao (miv)
- Sambatra
- Ena – Iray
- Namana
- Doany – Vy

### Mitsangana

- Sendika
- Goaika
- Vita (miv)
- Soava(ly)

### Ainy

- Tra – Lio (miv)
- Ra – Vaky
- Aizina

Tsy voafehin'ny fitondrana mihitsy

## Potika sy mitotongana indray ny vidin'ny lavanila maitso



Lavanila maitso, vokatra eto Madagasikara.

Tsy voafehin'ny fitondrana Rajoelina mihitsy, potika sy mitotongana indray, ny vidin'ny lavanila maitso any amin'ny tantsaha amin'izao fotoana, toy izany ny mi-tranga any Sambava faritra Sava, sy any Mandritsara faritra Sofia, izay anisan'ny faritra mpamokatra ity voly fanondrana ity eto amintsika.

Tsy voahaja ny fetra farany ambany napetraky ny fanjakana ny vidin'ny lavanila ho 75.000 Ar any Antsatra-midôla Mandritsara faritra Sofia. Manodidina ny 20.000 Ar hatramin'ny 30.000 Ar monja ny vidin'ny lavanila maitso any an-toerana amin'izao fotoana, mbola eo ihany koa ny "Triage", na fifantenana mafy be. Potika sy mitotongana arak'izany ny vidin'ny lavanila, ka mahatsiaro mijaly ny tantsaha mpamokatra ankehitriny. Tany Sambava faritra Sava: raharaha lavanila ihany, nitokona sy nanao fanakanan-dalana tamin'ny lalam-pirenena: RN5 A ireo tantsaha. Nentin'ireo tantsaha nida an-dalambe ny lavanila tsy nisy mpividy amin'ny vidiny 75.000 afak'omaly maraina. Samy nitondra ny vokatra tsy nisy mpividy izy ireo, nobahanany ny lalam-pirenena mampitohy an'i SAMBAVA sy ANDAPA. Momba ity olana ity, mitaky ireo tantsaha sy ireo mpise-hatra amin'ity resaka lavanila ity, izy ireo any ifotony no tena hitantana izany vokatra fanondrana izany, fa tsy olona avy aty an-drenivohitra, tsy tena mahafantatra akory ny momba ny seha-pihariana, no manapa-kevitra momba izany. Ny ministry ny industria sy ny varotra Edgar Razafindravahy mihitsy koa hoy ny any an-toerana, no tena tsy mahafehy ity seha-pihariana ity: ny sehatry ny vary sy ny koba ary lafarinina aza tsy voafehiny, ka ny lavanila koa ve no ijabajabahany! Tsy mahagaga raha miha-potika hatrany koa ity sehatra ara-toekarena iray ity.

Niaina

## TENY MIFANAPAKA

N° 399

A	B	D	E	F	G	H	I	J	K
1									
2									
3									
4									
5									
6									
7									
8									
9									
10									

### Mitsivalana

1. Valamparihy hoy ny Mpanjaka 2. Biby fiompinao 3. Zanatsoratra tsy misy lohany – Matanjaka 4. Tsy mora vidy (BR) – Nodimandry, niamboho 5. Biby mpitady 6. Sakafon-jaza 7. Lavitra hita maso – Kilalao misy vola (miv) 8. Tsy lavitra – Tanana (miv) 9. Lakroa – Ao amin'ny sira – Kianteny 10. Nisintaka Matoanteny

### Mitsangana

A. Olon-droa – Tsofoka B. Ao amin'ny Baiboly (miv) – Kitaponoifonosana D. Matetika ao amin'ny Ekar – Ketrona, valona E. Maneho fotoana – Hoho tapaka – Mena lalandava (miv) F. Fomba rehefa misy maty G. Lavitra tsy hita maso – Asio, ataovy, men na manga H. Mampisafidy – Fitsaboana ihany koa I. Mpanondro – Misy ny mpitari-dalana (miv) J. Taova – Tovona K. Miaraka amin'ny aroa – Tsy tsarana


## Valiny Teny mifanaraka 0398

### Mitsivalana

- 1. Makoreline 2. Mora (miv) - No - OM
- 3. Nirehitra 4. Ronono (miv) 5. Dina-Ray 6. Tay (miv) - If 7. Androany 8. Nay (miv) - Totoy (miv) 9. Niandry - Ti (miv) 10. (Z)at(o) - Riaka

### Mitsangana

- A. Manodidina B. (V)ary - Ia - Tia (miv)
- D. Korontana E. Omera - RN (miv)
- F. OH (miv) - Adidy G. Enina - Rora
- H. Loto - Potik(a) I. RRR - Ao J. Noa - (M)ainty K. Ma (miv) - Nify - Tv



## NY TENY FIAINANA

"Ny fo mionona no fiainan'ny nofo; fa ny fahamaimaizan-tsaina dia mahalo ny taolana."  
Ohabolana 14:30

## BAOLINA KITRA

## Resy indray ny Barea de Madagascar amin'ny Cosafa Cup 2022

Resy indray fa na-hintsan'i Namibie tamin'ny isa 2 - 0, ny Barea de Madagascar, tamin'ny fidirana fandraina anjara amin'ny fadiana ny amboara « Cosafa Cup 2022 » lalao 1/4-dalana natao tao amin'ny kianja « Stade Princess Magogo Stadium » any Durban Afrika Atsimo tamin'ny talata teo.

Raha isa 0-0 no nentin'ny roa tonta niala sasatra dia baolina maty teo amin'ny minitra faha-51 tamin'ny alalan'ny Penalty, sy teo amin'ny minitra faha- 65, no niantoka an'io fandrenen'ny Namibiana io. Mbola manohy ny fifaninanana amin'ny alalan'ny fanaovana lalao fadian-toerana anefa na izany aza ireo mpilalao Malagasy, fa tsy avy hatrany

dia mody aty an-tanindra-zana. Miankina amin'ny vokat'io lalao fadian-toerana io no hahazoan'ny Barea ny sandan'ny vola sahaza azy hoentiny mody aty Madagasikara.

Ny hany azo antoka aloha hatreto dia hihemotra indray ny laharan'ny Barea aty Afrika, noho ity faharesena nihàtra taminy ity.

Rainilita



Barea de Madagascar any Durban.

## Basket-ball

## Namoy an-dRavelomanantsoa Mamy na i Mami Kely

Misaona ny tontolon'ny fanatanjahantena Malagasy, sy ny taranja basket-ball manokana, fa nodimandry tamin'ny alatsinainy 11 jolay 2022 teo teny amin'ny trano fone-nany Malaza –Andoharano-fotsy, ny andrarezin'ity basikety Malagasy ity, Ravelomanantsoa Mamy, na i Mami Kely, nantsoina ny maro ihany koa hoe "la main d'or", noho ny fahakingany manokana mam-pidi-baolina eny amin'ny faritra lavitry ny "cerceau" na ny fahazoana "3 point" ankehitriny. Mpilalao tao amin'ny SOE na ny Stade.

Nalaza dia nalaza tante-raka izy tao amin'ny kianja mitafon'i Mahamasina fahiny, noho io fahai-zany manokana io ary nisongadina ihany koa izy tao amin'ny Lapan'ny fanatanjahantena Mahamasina, toerana nanatante-rahana mandrakariva ny lalao basikety taty ariana, noho izy tazana tao foana tamin'ny naha-mpi-kambana azy teo anivon'ny FMBB "Federation Malagasy de Basket-ball" tamin'iazo izy nin-



Ny nofo mangatsiakan'i Mamy Ravelomanantsoa.

daosin'ny fahatesana izao. Marihana fa i Ravelomanantsoa Mamy dia mpilalao handany ny androm-piaiany tao amin'ny ekipan'ny Stade Olympique de l'Emyrne taranja basikety, tamin'ny fahavelony ary efa tsy tambo isany intsony ny naha voaantsao azy tao amin'ny ekipampirenenena Malagasin'ny taranja basikety.

Marihana fa ny fianakaviamben'ny taranja Basket-ball, izay notarihin'ny Filohan'ny Federation Malagasy Basketball, Ramaroson Jean Michel, no-tronon'ireo fikambanana maro samy hafa eo ani-

von'ny Basket, ny fikambanan'ny Mpanazatra, fikambanan'ny Mpitsara Lalao sy ireo Klioba maro dia efa naneho fiarahamiori tamin'ny fianakaviany. Izahay eto amin'ny gazety Ny Valosoa Vao-vao manontolo dia maneho etoana ny fiarahamiori, sy fampiononana ary fampaherezana ny ankohonana sy ny fianakaviana nilaozany ary amin'ny fianakaviamben'ny tontolon'ny basket-ball Malagasy, sy ny tontolon'ny fanatanjahantena Malagasy amin'ny ankapobeny.

Rainilita

## Rugby Malagasy Top 5 Dame 2è Division

## Fileovana 3 no miakatra Diviziôna voalohany



## Rugby vehivavy Malagasy.

Taorian'ireo lalao rugby Top 5 Dame 2è Division notontosaina farany teo dia toy izao ny filaharan'ireo fileovana 5 nandray anjara tamin'ny fifaninanana :

1°-RCTS Soavimasoandro in-4 nandresy ma-

nana isa 20,  
2°-Asut Ouniversite (isa 15),  
3°-Fanja Anjanahary (isa 11),  
4°- Sab Nam (isa 6),  
5°-Tam Anosibe (isa -1). Arak'izany dia miakatra avy hatrany any amin'ny

sokaj D 1 vehivavy ireo ekipa 3 mitana ny laharana voalohany amin'ny Top 5 D 2 ity amin'ny taom-pilalaovana manaraka dia ny Rcts sy Asut ary Fanjan'Anjanahary.

Rainilita

Jehovah no nanome, ary Jehovah no nanaisotra; isaorana anie ny anaran'i Jehovah

## RAMBELOARITSIMBA Ony Henri (ONY RAMBELO)



Hoy:

Ny vadiny : RAKOTOARIVELO Ida Chantal

Ny zanany :

- RAMBELOARITSIMBA Manjaka Ranto My-Raitra

Ny Reniny:

- RASOAZANAKOLONA Jacqueline

Ny iray tempo aminy :

- RAKOTOARITSIMBA Fanomezana sy Natacha ary ny zanany
- RAKOTOVAO Marotia Nirielia sy Verohanitra ary ny zanany
- RATSIMBA Andrianarijaona Davidson sy Mbolaniaina ary ny zanany
- Vady navelan'i/lahy RAKOTONDRAITSIMA Andry Fanantenana sy ny zanany
- RAMBOALAMANA Tojonaiaina sy Norosoa ary ny Zanany
- RAMAHASIMAVOLA Lova sy Felana sy ny zanany

Ny iray tempo @ vadiny :

- RAKOTOARIVELO Richard mivady sy ny zanaka aman-jafiny
- Vady navelan'i/lahy RAKOTOARIVELO Rolland sy ny zanaka aman-jafiny
- RAKOTOARIVELO Clément mivady sy ny zanany (Rouen)
- RAKOTOARIVELO Roger mivady sy ny zanaka aman-jafiny
- RAKOTOARIVELO Laurent Alfred mivady sy ny zanaka aman-jafiny
- RAKOTOARIVELO
- Vady navelan'i/lahy RAHAJANIRINA RABETSIMBA sy ny zanany

Ny fianakaviana manontolo

Ny Mpitandrina sy ny Fiagonana FJKM Imerintsiafindra Ambohitrandriana

Ny Mpitandrina sy ny Fiagonana FJKM Ampahimanga Arivonimamo

Ny Fokontany Cité Ambodin'Isotry

Ny Fokontany Imerintsiafindra Ambohitrandriana

Ny Mpiara-miasa tao @ IARIVO Radio - RDJ

Ny Ordre des Journalistes

Ny tapaka sy namana rehetra

Ny nofory dia entina miala ao antranony VILLA Lovosoa Iafarana ny Zoma 15 Jolay 2022 @ 2 ora, ary entina hanomezam-boninahitra an'Andriamanitra ao @ FJKM Imerintsiafindra Ambohitrandriana alohan'ny hametrahana azy ao amin'ny fasan-drazany ao Imerintsiafindra ihany.

'Efa niidy ny ady tsara aho; nahuuteraka ny fihazukazahana aho; nitahiry ny finoana aho'

II Timoty 4:7